



Communicaziun a las medias

Data 14 da mars 2025

Nova etappa da l'actualisaziun da l'inventari federal ISOS per ils chantuns Friburg e Grischun

En sia sesida dals 14 da mars 2025 ha il Cussegl federal approvà in'actualisaziun da l'Inventari federal dals lieus svizzers d'importanza naziunala degns da protecziun (ISOS). Per ils chantuns Friburg e Grischun hai dà in'actualisaziun da la glista dals lieus d'importanza naziunala sco er da las registraziuns dals lieus correspondentas.

L'onn 2024 ha il Cussegl federal approvà in'emprima revisiun dal ISOS per il chantun Friburg. Suentar l'actualisaziun da l'inventari per il district da la Broye èn las lavurs da l'etappa actuala sa concentradas sin ils districts da la Glâne e da la Gruyère. Chavannes-les-Forts, Mézières, Promasens, Rueyres/Treyfayes e Villars-sous-Mont (Bas-Intyamon) èn vegnids stritgads da la glista dals lieus d'importanza naziunala, perquai ch'ils lieus na disponivan betg pli da la qualitat necessaria. En il Grischun pertutga l'actualisaziun las regions Moesa, Partenz/Tavau e Surselva. Il vitg da Siat vegn inscrit en l'inventari federal, entant ch'ils maletgs dals lieus da Grono cun Pont del Ram e cun San Clemente, Grusch/Schmitten, Küblis, Luven, Sagogn e Sumvitg vegnan stritgads or da l'inventari.

Las novas registraziuns dals lieus (9 per Friburg e 17 per il Grischun) èn disponiblas a partir dal 1. da matg 2025 sco geodatas e sco PDF sin il geoportal da la Confederaziun (map.geo.admin.ch) e sin il geoportal dal ISOS (gisos.bak.admin.ch).

Il ISOS furnescha ina contribuziun essenziala a la qualitat da la cultura da construcziun. El tutga tar ils inventaris dals objects d'importanza naziunala che la Confederaziun elavura sin basa da la Lescha federala davart la protecziun da la natira e da la patria. Il ISOS vegn examinà ed actualisà regularmain e gida las autoritads da la tgira da monuments, da la protecziun dals lieus, da la construcziun e da la planisaziun ad identifitgar ed a proteger a lunga vista objects cun ina valur per la cultura da construcziun. Suentar avair consultà ils chantuns decida il Cussegl federal, tge objects che vegnan inscrits en l'inventari, tgenins che vegnan midads e tgenins che vegnan stritgads. La Confederaziun consultescha sistematicain il ISOS en il rom da l'execuziun da sias incumbensas. Ils chantuns e las vischnancas al ston resguardar en lur planisaziuns.

Adressa per dumondas: Marcia Haldemann, vicemanadra da la secziun Cultura da construcziun, Uffizi federal da cultura, +41 58 461 89 51, marcia.haldemann@bak.admin.ch

Departament responsabel: Departament federal da l'intern DFI